



Bosnia and Herzegovina
Federation of Bosnia and Herzegovina

CANTON SARAJEVO
Ministry of Economy

Broj: 07-05-14-25258-41/21
Sarajevo, 29.07.2021. godine

SKUPŠTINA KANTONA SARAJEVO
SLUŽBA ZA SKUPŠTINSKE POSLOVE
- o v d j e -

PREDMET: Odgovor na zastupničko pitanje, dostavlja se

Zastupnica u Skupštini Kantona Sarajevo Amra Hasagić na nastavku 38. Radne sjednice Skupštine Kantona Sarajevo održane dana 08.07.2021. godine, u okviru tačke Dnevnog reda „Poslanička/zastupnička pitanja, inicijative i odgovori”, uputila je sljedeću zastupničku inicijativu: Pokrećem inicijativu prema Ministarstvu privrede Kantona Sarajevo, odnosno Zavodu za izgradnju Kantona Sarajevo da se preduzmu aktivnosti i radnje za donošenje odluke o izmjenama “Pravilnika o načinu i uslovima dodjele odobrenja za geološka istraživanja od interesa za Kanton Sarajevo”, odnosno prijedlog na Zakon o geološkim istraživanjima KS sa izuzimanjem klizišta iz navedenog Zakona, eventualno pojednostavljenje Zakona o geološkim istraživanjima FBiH za potrebe sanacije klizišta i geološka istraživanja za potrebe sanacije erozivnih površina izazvanih poplavama.

O B R A Z L O Ž E N J E

Usljed složenosti Zakona o geološkim istraživanjima Kantona Sarajevo, procedure za pribavljanje dozvole potrebne za izradu glavnog projekta sanacije, odnosno nedostataka u definisanju procedura i uslova za geološka istraživanja i geološke radove, dolazimo u situaciju obustave sanacije klizišta čime dodatno izlažemo opasnosti stanovništvo u područjima sa klizištima, kao i njihova materijalna dobra.

Obzirom da je lokalna zajednica iz koje ja dolazim jedna od najugroženijih po postojanju klizišta, u cilju preventivnog djelovanja i zaštite stanovništva, stambenih i poslovnih objekata, putne infrastrukture, neophodno je omogućiti proces geoistražnih radnji izmjenama Pravilnika kao i izmjenama Zakona o geološkim istraživanjima KS, odnosno donošenjem Zakona o klizištima KS.

Napominjem da je ista inicijativa upućena i na četvrtoj sjednici Općinskog vijeća Općine Vogošća.

Odgovor na zastupničko pitanje:

Članom 10. stav (1) tačka g) Zakona o geološkim istraživanjima (“Službene novine Kantona Sarajevo”, broj 41/12), propisano je da su geološka istraživanja od interesa za Kanton Sarajevo i geološka istraživanja za potrebe sanacije klizišta. Članom 10. stav (3) Zakona je propisano da će način i uslove dodjele odobrenja za geološka istraživanja od interesa za Kanton Sarajevo propisati pravilnikom



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



ministar Ministarstva privrede Kantona Sarajevo. U skladu sa navedenim ministar Ministarstva privrede Kantona Sarajevo je donio Pravilnik o načinu i uslovima dodjele odobrenja za geološka istraživanja od interesa za Kanton Sarajevo ("Službene novine Kantona Sarajevo", broj: 17/19). Članom 4. ovog Pravilnika propisan je postupak koji se provodi u slučaju podnošenja zahtjeva za provođenjem geoloških istraživanja od interesa za Kanton Sarajevo za potrebe sanacije klizišta. Pravilnikom je znatno pojednostavljen postupak davanja odobrenja za geološka istraživanja za potrebe sanacije klizišta, te za ishodovanje predmetnog odobrenja nije neophodna urbanistička saglasnost, niti saglasnost za obavljanje istražnih radova od vlasnika zemljišta na kojem će se vršiti istraživanje, stim da se odobrenjem za vršenje istraživanja investitor obavezuje da zemljište na kojem se vrši istraživanje dovede u prvobitno stanje, a eventualna šteta nadoknadi vlasniku. Također, članom 4. Pravilnika je propisano da je Institucija koja utvrđuje postojanje klizišta, monitoring i sanaciju istih na nivou Kantona Sarajevo Zavod za izgradnju Kantona Sarajevo, koji navedeno vrši po hitnom postupku.

Zavod za izgradnju Kantona Sarajevo se aktom, broj: 03-04-1987/21 od 24.02.2021. godine, obratio Ministarstvu privrede Kantona Sarajevo zahtjevom za izmjenu Pravilnika o načinu i uslovima dodjele odobrenja za geološka istraživanja od interesa za Kanton Sarajevo ("Službene novine Kantona Sarajevo", broj: 17/19), iz razloga što je Ured za reviziju institucija u FBiH aktom, broj: 01-02-07-11-2-2096-7/19 iz septembra 2020. godine, objavio Izvještaj o finansijskoj reviziji Zavoda za izgradnju Kantona Sarajevo, u kojem između ostalog stoji: "... nema osnova da Zavod provodi postupke javnih nabavki za druge ugovorne organe, jer ti poslovi prema članu 24. Zakona o organizaciji i djelokrugu organa uprave i upravnih organizacija kantona nisu u njihovoj nadležnosti. Napominjemo da se provođenje postupka javnih nabavki, kao i izvođenje radova na sanaciji i održavanju klizišta i javne rasvjete za potrebe drugih ugovornih organa, a prije svih općina, ne može smatrati stručnim poslovima koje Zavod obavlja u smislu Zakona o organizaciji i djelokrugu organa uprave i upravnih organizacija kantona". Aktom, broj: 07-05-14-1267-12/21 od 11.05.2021. godine, Ministarstvo privrede Kantona Sarajevo je dalo svoj stav o eventualnim izmjenama i dopunama predmetnog Pravilnika.

Postupajući po preporukama Ureda za reviziju institucija u FBiH i po zahtjevu Zavoda za izgradnju Kantona Sarajevo, Ministarstvo privrede Kantona Sarajevo je Rješenjem, broj: 07-05-15-10993-3/21 od 26.04.2021. godine, imenovalo Komisiju koja će razmotriti eventualne potrebe za izmjenama Pravilnika o načinu i uslovima dodjele odobrenja za geološka istraživanja od interesa za Kanton Sarajevo ("Službene novine Kantona Sarajevo", broj: 17/19). Član Komisije je i predstavnik Zavoda za izgradnju Kantona Sarajevo.

S poštovanjem,

Dostaviti:

1. Naslovu
2. Vladi Kantona Sarajevo
3. Evidencija
4. a/a



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1

